

九願積疾新病旋即痊愈
十願孤露眾生豐衣足食

復爐

香官使者左右龍虎君侍香諸靈官當令
行道之所自然生金液丹碧芝英百靈眾真
交會在此香火洞案壇前今日學道得道求
仙得仙國家受慶顯佑息十方仙童玉女
侍衛蘭煙傳日向來所啓速達徑御
太上無極大道至真玉皇上帝御前

出戶

太上黃籙齋儀卷之二十一

太上黃籙齋儀卷之二十二

唐廣成先生杜光庭刪

安宅清旦行道

入戶

各禮師存念如法

衛靈

青陽虛映 耀日回靈 神虎辟邪

飛天流鈴 摧姦滅試 萬魔束形

九微回道 八威攝精 千真校錄

三元蕩清 左嘯中黃 右策六丁

七轉八合 周旋天經 聖化魏魏

三道順行 慶雲流布 合景黃庭

鳴法鼓二十四通

無上三天玄元始三炁太上老君召出身

中三五功曹左右官使者侍香金童傳言玉

女五帝且符直日香官各三十二人出出者

嚴裝開啓玄壇天帝神君當召此間土地里

域真官正神急上開啓目今奉為入意願得

玉清道炁靈寶妙光下降流入目等身中即

使玄壇清淨內外成真天無氛穢地絕妖塵

琳琅振響十方肅清萬魔不干真誠上微令

目所啓速達徑御

太上無極大道虛無自然金闕玉陛下

各稱法位

具位目等謹同誠上啓

虛無自然元始天尊無極大道太上大道君

太上老君昊天玉皇上帝十方已得道大聖

眾至真諸君丈人三十六天帝君玉虛上帝

玉皇大帝東華南極西靈北真玄都玉京金

闕七寶玄臺紫微上宮靈寶至真明皇道君

三十六部尊經玄中大法師太始五帝九土

玉皇陰陽應感一切真靈目等伏聞

天尊孕化大道垂功二氣裁形萬靈資始圓

清上結懸日月以列星辰方濁下凝布山川

而融滲漬由是百神受職以定方隅五帝司

分各安其位至乃清都紫闕百雉九重郡邑

城池人倫宅宇皆有法象以配乾坤爰資安

鎮之功用以寧之福目等職當行教佐國

立功凡有所祈理宜關奏况奉詞旨敢不上

聞

請詞

按如詞言情誠丹切冀因精感上達真靈
等畢勵法流按依科式敷壇列幕法地象天
鎮龍綵於十方貢詞誠於三境以今早朝行
道請法衆等運茲初檢上香

願此香煙騰空徑上供養

無上至真道寶臣等歸身歸命首體投地仰
依

太上三尊願以是功德歸流

皇帝伏冀五山鎮地永比鴻圖八海浮天長

齊鳳曆祚超周漢聖越義農妃后皇儲克光

睿德諸王公主允契休符混車軌於九圍集

梯航於萬寓今故燒香自歸依

師尊大聖衆至真之德得道之後升入無形

和與道合真

以今早朝行道請法衆等運茲二檢上香

願此香煙騰空徑上供養

無上至真經寶臣等歸身歸命首體投地仰
依
太上三尊願以是功德歸流齋主家九世七

玄俱超夜府六親五族並證仙階宅宇安寧
龍神鎮守凶災珍息妖惡不與今故燒香自
歸依

師尊大聖衆至真之德得道之後升入無形
和與道合真

以今早朝行道請法衆等運茲三檢上香
願此香煙騰空徑上供養

無上至真師寶臣等歸身歸命首體投地仰
依

太上三尊願以是功德歸流天地之內有識

含生成沐

道風盡登

真果齋主某災祛末光福降無涯俱承妙道
之功未證長生之品今故燒香自歸依

師尊大聖衆至真之德得道之後升入無形

和與道合真

禮方

懺悔

各思九色圓象咽液命魔哀吽

步虛旋遶

稽首禮太上 燒香歸虛無 流明隨我迴

法輪亦三周 玄願四大興 靈慶及王侯

七祖生天堂 煌煌耀景敷 嘯歌冠大漢

天樂適我娛 齊馨無上德 下仙不與儔

妙想明玄覺 洗洗乘虛遊

旋行躡雲綱 乘虛步玄紀 吟詠帝一尊

百闕自調理 俯命八海童 仰拱高仙子

諸天散香華 蕭然靈風起 宿願定命根

故致標高擬 歡樂太上前 萬劫猶未始

嵯峨玄都山 十方宗皇一 岩岩天寶臺

光明焰流日 輝輝玉林華 精燦耀朱實

常念餐元精 鏗液固形質 金光散紫微

窈窕大來逸 三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

宣稱法位

具位日某等謹重伸上啓

太上無極大道元始天尊太上大道君十方無極大道天尊至真大帝天帝三十六部尊經玄中大法師天師君上相上宰四司五帝天地應感一切真靈臣等竊聞造化未分乃混元之首體玄功不宰任真一以無為泊乎二象分靈三才設位清濁配乾坤之質晦明彰晝夜之殊陰陽衆神各司其職於是構茲棟宇代彼層累既取法於天關遂主張於陰陽所以乾天允澤各有統臨離火巽風互明衰盛順之則必符貞吉違之則自取悔尤推古及今率由斯道齋主某爰因卜筮恐有犯違神道難明常情靡測既畢工於土木將展禮於香燈懺罪希恩祛災謝過大弘齋薦上達至真是用敷列法壇按遵科典蘭燈散彩下照九幽香穗凝煙上通三境轉經行道普為懺祈或犯忤靈祇侵傷地府或殘害物命汚瀆靈蹤或觸動龍神違諸禁忌或因力役致有怨咨或以遷移不運方所積成業怨因

結災纏或在九宮八卦之中或在十干十二支之內或犯陰陽刑殺七十二神下繫地司上言天府憑今懺謝並乞蕩除使齋福普覃善功遐被降九龍符命宣告諸天運三寶威神勅勒三界拯茲夜府開諸光明安帝業於九重播玄休於萬國五兵偃戢百穀豐登齋主某家存歿久康族屬昭泰子孫忠孝祚胤繁昌落罪簡於陰曹列仙名於真境陰陽職秩內外神靈護法安人濟人利物共揚道化助正却邪遐及幽明同臻妙道上明天尊廣濟之澤下副臣等歸命之誠謹啓以聞

發念

一念為道四大合德齋主七世父母免墮憂苦上升天堂衣食自然
二念帝王國主道化興隆庫序濟濟皇教恢弘威儀翼翼普天所瞻民稱太平六夷賓伏妖惡自滅賢聖日生
三念法師功德大建教化明達俱獲飛仙
四念同志學人早得仙道更相開度

五念九親和睦好尚仁義首道賤財行為物範

六念損已布施道士及饑寒者天下人民各得其所

七念端動踐行一切衆生咸蒙成就

八念救貧前生今世罪對立功補過

九念家國隆盛宗廟有人世生賢才

十念專受師經不敢中怠平等一心廣度一切剋獲上仙曰日登天拜見太上永成真

人雲車羽駕和與道合真

復爐

香官使者左右龍虎君侍香諸靈官當今臣行香之所自然生金液丹碧芝英百靈衆真交會在此香火爐前令臣學道得道求仙得仙齋主受福幽顯沾恩十方仙童玉女侍衛蘭煙傳臣所啓之言速達徑御
太上無極大道無形無名虛無自然金闕玉陛下

出戶

太上黃籙齋儀卷之二十二